

推薦信

時間過得好快，話咁快 BB 就已經滿月，係過去呢一個月，全靠有婷姨的悉心照顧，BB 快高長大，肥肥白白。作為二胎剖腹產媽媽嘅我，亦被悉心照顧，所以在坐月期間恢復得好快。

日頭婷姨一手包辦晒買餸、煮飯、照顧 BB，甚至會同我嘅大女玩，傾計、教佢做功課、安撫大女情緒，所以我每日都可以安心訓覺休息。

婷姨係各方面都做得非常好，每日都非常準時到達，到咗之後馬上換衫、洗手、戴口罩，十分注重衛生。婷姨會根據我嘅身體狀況及個人喜好，煮啲適合我嘅食療、湯水、代茶。而每日所用嘅药材、菜式都會一一同我講，令我更放心了解每餐在進補什麼及安心食用。

婷姨做事認真快捷，細心有條理，毫不計較，盡心盡力，就係希望產後媽媽可以係坐月期間安心及開心地渡過，我地完全能感受到婷姨對工作嘅熱誠。感謝婷姨呢個月以來對我的家庭照顧，我誠意推薦佢比各位爸爸媽媽！祝願婷姨工作順利，身體健康，生活愉快！

僱主姓名: [REDACTED] (龔太)

2024年3月14日